

K. Hurd
ELOGIUM

Sacrum MEMORIÆ

Johannis Rogers, S.T.P.

IN

ECCLESIA WELLENSI

NUPER

CANONICI & SUBDECANI,

ET

Ecclesiæ St. Ægidii de Cripplegate
Londin:

VICARII.

LONDINI:

Apud GUL. INNIS & RIC. MANBY, in Areâ Occidentali Divi
Pauli. M,DCC,XXXIV.

ECOLOGUM

SECTUM MEMORIA

JOHANNIS ROGERI S.T.P.

ECCLÉSIA WELLEN

CANONICI & SUBDECANI



Apud Gou. Invenit de R. M. in An. Occidentali Div.
Pauli. M. 1757.

Quod VIRI

De Republica, de Ecclesia

BENE MERITI

MEMORIAM;

ATQUE INSUPER

PATRONORUM singulare quoddam Exemplum
Posteris commendet,

UNA CUM

JOHANNES ROGERS,

Duos præcipue VIROS

FRANCISCUM

Episcopum CICESTRENSEM, Ecclesiæ PAULINÆ Decanum,

ET

HENRICUM GODOLPHIN

Ejusdem Ecclesiæ nuper Decanum,

Collegiique ETONENSIS Præpositum,

Honoris causa nominat

ELOGII hujusce Scriptor

JOHANNES BURTON.

Quod VIRI

De Republica de Ecclesia

BENE MERITI

MEMORIA

ATQUE INSUPER

Patronorum singulare quoddam Exemplum
Posteris commendet

UNA CUM

JOHANNES ROGERS

Duos precipue VIROS

FRANCISCUM

Episcopum Cisterciensem, Ecclesie Pauline Decanum

ET

HENRICUM GODOLPHUM

Eiusdem Ecclesie super Decanum

Collegique Francensium Praepositum

Honoris causa nominat

ELOGII huiusce scriptor

JOHANNES BURTON

ELOGIUM.

Christiane Lector,
 Quicumque vel Ecclesiae vel Reipublicae
 Civis vixeris idoneus,
 Gratulationis simul & Doloris
 Accede nostri Particeps,
 Beatam recolens Memoriam
JOHANNIS ROGERS:

Viri,
 Inter S. T. Professores
 Merito suo celeberrimi;
 Qui recenset Titulos,
 Idem simul laudat Virtutes.

In Scriptis, juxta ac Moribus,
 Eminebat Gratia
 Pietatis vere Sacerdotalis.
 Aderat Animi
 Magnitudo, & Moderatio,
 Cuilibet Muneri, Fortunaeque,
 Sive sustinendae sive ornandae,
 Par.

Ingenium porro singulare,
 Cujus Acumen
 Invita laudavit Obrectatio,
 Cujus vim auspicatam
 Testabitur usque
 Defensa Veritas,
 Refutatus Error.

Scriptor,
 Indolis Stylique juxta felix,
 Controversias gravissimas
 Suscepit, administravit, exhaustit;
 Christianae Religionis
 Et Libertatis Vindex,
 Licentiae Refrenator;

B

Idem

Idem optimus
Et Sacerdos & Civis.

Quod erat Fortitudinis Christiana,
Deo soli placere studens;

Quod erat eximiae Moderationis,
In Dogmatis statuendis,
Sectæ nullius

Vel Princeps, vel Affecla;
In Controversiarum Actionibus
Non Litigator, sed Arbiter;

Quod demum miræ erat Felicitatis,
Sine offensione Partium,
Sine Invidia Victor:

Contentionis potius oblivionem quærens,
Quam Triumphi gloriam;
Tranquillitatis publicæ studiosior
Quam Famæ suæ.

Nihil arripere temere præjudicatum,
Sed ex Meditationis severæ officina
Omnia bene pensitata & explorata
Proferre, tueri;

Veritatem unice

Oculo irretorto investigare:
Antiquæ Stabilitatis Præsidia,
Non Errorum vel Perfidie

Involucra quærere:

Non Hominum merita,

Sed momenta rerum perpendere:
Offensionum materiem

Non subministrare, sed præcidere;—

Disputanti,

Hæ illi erant Artes.

Quam in CHILLINGWORTHIO jure mireris,
Copiam & Subtilitatem,

Quam in eodem forte desideres,
Gravitatem & Constantiam,

Quæ demum in HOOKERO suo
Erant summa omnia,

Ad causæ consimilis defensionem
Conjuncta feliciter adhibuisse,---

Hæ Illi erant Laudes.

Politia nostra Anglicana,

Tum Ecclesiastica, tum Civilis,

Incolumis usque tuebitur

Honoratam Vindictis sui Memoriam;

Et, quæ rebus novis studentium
 Commenta delet;
 Sera dies confirmabit Judicia
JOHANNIS ROGERS.

Concionanti

Aderat nervosa, simplex, flexanima,
 Et spectabilis quædam
 Facundia,
 Stylumque neglecta sequebatur Elegantia:
 Ita ut nihil ad Docendum aptius
 Audiverit Plebs Rustica,
 Nihil popularius LONDINENSES,
 Nihil demum gravius subtiliusve
 Academici.
 Ubique mirabundus agnoscas
 Ingenii multiformis hominem,
 Inter Oratores Dialecticum,
 Inter Dialecticos Oratorem,
 Omnimoda dicendi laude cumulatum.

Non Aures leviter delinire,
 Sed Corda ferire, perdomare;
 Super rebus arduis consulentium
 Animis scrupulos eximere;
 Pontificiorum fraudes & insidias
 Simplicitate ipsa eludere, superare;
 Schismaticorum pervicaciam
 Benevolentia frangere, expugnare;
 Quoquomodo Dissidentes Conciliare;
 Errantes dirigere;
 Vacillantes Confirmare;
 Omnes demum Consilio flectere,
 Auctoritate moderari;
 Ea erat Illi
Curarum privatarum summa,
 Id erat Illi
 Eloquentiæ Sacerdotalis Palmarium.
 In hac præsertim parte triumphabat
 Orator vere Christianus,
 Divini Juris Consultus,
 Interpres fidissimus.
 In *Consuetudinis Domesticae* officiis
 Quam amabilis fuerit
 Maritus, Parens, Frater, Amicus,
 Etiamnum testantur suorum

Lacrymæ & Suspiria,
En, laudis instar amplissimæ,
Commune Desiderium!

Rei Familiaris

Dispensator prudens,
Ab Ostentatione Luxuque abhorrens,
Ex honesta Parsimonia
Liberalitatis melius collocandæ
Subsidia quæsit.
Magni erat instar Beneficii
Illum habuisse Antecessorem,
Quem nulla fere Domus Ecclesiastica
Aliquandiu exceperat Incolam,
Quæ non postmodo agnoverit
Benefactorem.

Publico

Splendore, Dignitate, Commodo
Gaudebat, ut suo:
Ptochotrophis,
Eruditionis Christianæ Scholis,
Clerici nominis
Viduarum, Orphanorum Hetæriis
Aderat
Fautor, Vindex, Patronus,
Consiliis, Eloquentia, Liberalitate.

Otio florebat

Nec inertī nec infructuoso,
Artium etiam Mechanicarum Cultor;
In ipsis studiorum oblectamentis
Ea affecutus,
Quæ Industriæ alienæ
Laudem adæquaverint.

In Negotiis obeundis

Ea erat,
Quam in homine Politico laudaveris,
Solertia:
Ea interim,
Quam in Ecclesiastico postulaveris,
Innocentia.

In Colloquiis

Inerat vivida quædam, &

Quæ Sodalem maxime commendat,
Hilaritas faceta.

In *Congressibus* porro *quibuscunque*
Ea, quæ hominem Liberalem decebat,
Comitas:

Quæ Academicum,
Simplicitas:

Quæ denique Clericum,
Severitas Reverenda.

Illustrabat hæc omnia
Animi ingenita Celstudo,
Laudabilis Superbia,
Generosa quædam Dignatio,
Posthabitæ secura Famæ:

Qualem profecto
Neque jure quisquam reprehendere,
Neque forsan sine reprehensione
Imitari potuerit.

In Curriculo Gloriæ multiplici
Non frustra exercebatur
Hominis tanta Virtus,
Inter Aulicos sine Ambitione,
Inter Superiores sine Invidia,
Inter omnes sine Fastu spectata,
Adulari prorsus indocilis,
Laudum pariter & Obtrectationum
Contemptrix,
Injuriarum sedulo inscia,
Sponte immemor,
Ignoscendo certe plusquam Victrix.

In hominum frequentia Negotiisque
Jamdiu multa cum laude versatus,
Vir pius & sapiens
Voluit aliquando Otio frui,
Sibi aliquantisper vacare,
Publicis interim utilitatibus
Non deesse.

Verùm (quod Ecclesiæ bene verteret)
Ex amabili secessu
In urbis celebritatem
Pene invitum revocavit

Benevolentia singularis Patronorum,
 Quibus ita placuisse
 Meritorum erat
 Commendatio plane invidenda,
 Elogio omni longe honorificentior.

Ibi, cum quod reliquum erat temporis
 Deo consecratum impenderet,
 Animæ magnæ plus æquo prodigus,
 Et, quod fuisset prudentiæ opus mirificæ,
 CRIPPLEGATENSIVM etiam fuorum
 Animos aliquando conciliaturus,
 In ipso honorum aditu,
 Famæque crescentis flore,
 Temporibus Ecclesiæ certe alienissimis,
 Consilia sua honestissima,
 Et ingentes bonorum omnium spes,
 Febre præreptus luctuosa
 Fefellit.

Fortissimi Vir Animi,
 In ancipiti illa trepidatione,
 In supremo illo discrimine,
 Sibi constans,
 Quod supererat Spiritûs
 In pias pro Ecclesiâ preces
 Moriens efflavit.

Mecum ergo, Lector Christiane,
 Hæc damna luge publica;
 Tam pretiosi Capitis desiderio tangi
 Pietatis laus est non infima:
 At æmulari potuisse
 Illa fuerit Ingenii,
 Illa Morum
 Laus pulcherrima.

Faxit Deus
 Ut Virtutum tantarum, unde
 Ad Ecclesiam, ad Rempublicam
 Fructus redundârunt uberrimi,
 Honestissima vigeat usque Memoria,
 Posterisque prosit Exemplum;
 Ut aliquando minus desideretur
 Ille, quem nunc requirimus,
 JOHANNES ROGERS.

